

## ODRŽANA ČETVRTA RADIONICA PROJEKTA „PARALELNA REVIZIJA UČINKA“ U TIRANI

Sarajevo 22.12.2016. godine



Ispred Ureda za reviziju institucija u Federaciji BiH, zamjenik generalnog revizora Dragan Kolobarić i Dubravka S. Barbarić, revizor za reviziju učinka, učestvovali su u radionici u okviru projekta „Paralelna revizija učinka“ koja je održana u Tirani u periodu od 14. do 16. decembra 2016. godine. Riječ je o četvrtoj radionici u okviru drugog po redu projekta paralelnih revizija učinka (PPA II), koja se, u okviru Mreže VRI zemalja kandidata i potencijalnih kandidata za članstvo u EU, provodi na temu javnih nabavki. Domaćin je bio Državni ureda za reviziju Albanije.

Radionica je bila usmjerena na početak aktivnosti u realizaciji glavne studije za reviziju učinka iz oblasti javnih nabavki, a istom su koordinirali eksperti Državnog ureda za reviziju Švedske i Evropskog revizorskog suda.

U projektu „Paralelna revizija učinka“ učestvuju Vrhovne revizorske institucije (VRI) slijedećih zemalja: Albanija, BiH (VRI BiH, VRI FBiH, VRI RS), Crna Gora, Kosovo, Makedonija i Srbija.

Cilj projekta je razmjena znanja i iskustava iz oblasti provođenja revizije učinka, te unapređenje regionalne saradnje Vrhovnih revizijskih institucija. Isti se provodi uz stručnu podršku Državnog ureda za reviziju Švedske i Evropskog revizorskog suda.